

სახელმწიფო შესყიდვის შესახებ

ხელშეკრულების პროექტი

ქალაქი ბათუმი

ერთი მხრივ შპს „შავი ზღვის ფლორისა და ფაუნის შემსწავლელი სამეცნიერო კვლევითი ცენტრი“ (შემდგომში „შემსყიდველი“), წარმოდგენილი ----- სახით და მეორე მხრივ „-----“ (შემდგომში „მიმწოდებელი“), წარმოდგენილი ----- სახით სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე: შემსყიდველმა ჩაატარა ელექტრონული ტენდერი (NAT) შპს „შავი ზღვის ფლორისა და ფაუნის შემსწავლელი სამეცნიერო კვლევითი ცენტრის“ თანამშრომლების (ასაკის შეუზღუდავად) სადაზღვევო მომსახურების სახელმწიფო შესყიდვაზე (კლასიფიკატორის კოდი CPV-66500000);, რომელშიც გამარჯვებულად მიჩნეულ იქნა მიმწოდებლის სატენდერო წინადადება და მიმწოდებელმა აიღო ვალდებულება გაუწიოს მომსახურება შემსყიდველს.

1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს:

ა) წინამდებარე ხელშეკრულება;

ბ) პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული ყველა სხვა დოკუმენტი;

გ) სატენდერო დოკუმენტაცია;

2. ხელშეკრულებაში გამოყენებულ ტერმინთა განმარტებები

2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

2.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

2.3. „დღე“, „კვირა“, „თვე“ – კალენდარული დღე, კვირა, თვე.

2.4. „შემსყიდველი“/დამზღვევი – შპს „შავი ზღვის ფლორისა და ფაუნის შემსწავლელი სამეცნიერო კვლევითი ცენტრი“.

2.5. დაზღვეული - ფიზიკური პირები, დამზღვევი ორგანიზაციის თანამშრომლები ან/და მათი ოჯახის წევრები, რომელთა ჯანმრთელობის მდგომარეობის გაუარესებასთან დაკავშირებული ხარჯები წარმოადგენს ხელშეკრულების საგანს.

2.6 ასაკობრივი ლიმიტი - დაზღვევას ექვემდებარებიან ფიზიკური პირები შემდეგი ასაკობრივი ლიმიტის ფარგლებში: ასაკობრივი ლიმიტი თანამშრომლებისთვის საბაზისო პაკეტზე – შეუზღუდავი;

2.7.1 ასაკობრივი ლიმიტი დამზღვევი ორგანიზაციის თანამშრომლის მეუღლისთვის – შეუზღუდავი;

2.8 მოსარგებლე – დაზღვეული, სამედიცინო დაწესებულება ან ნებისმიერი ფიზიკური ან იურიდიული პირი, რომელიც საქართველოში მოქმედი კანონმდებლობის და წინამდებარე ხელშეკრულების შესაბამისად უფლებამოსილია მიიღოს სადაზღვევო ანაზღაურება;

2.9. სადაზღვევო ბარათი - განხორციელებული დაზღვევის დამადასტურებელი დოკუმენტი, რომელსაც ფლობს დაზღვეული.

2.10. სადაზღვევო შემთხვევა – წინამდებარე ხელშეკრულებით (და/ან მისი დანართებით/ცვლილებით) განსაზღვრული შემთხვევები, რომელთა დადგომისას წარმოიშვება მზღვეველის ვალდებულება, გასცეს სადაზღვევო ანაზღაურება წინამდებარე ხელშეკრულების პირობების შესაბამისად;

2.11. დაუზღვეველი შემთხვევა – გარემოებები, მომსახურებები რომელზეც საერთოდ არ ვრცელდება დაზღვევის მოქმედება – ეს უკანასკნელი საერთოდ არ არის მოხსენებული სადაზღვევო ხელშეკრულებაში, სადაზღვევო პირობებით გათვალისწინებულ მომსახურებათა განმარტებებში და/ან დაზღვეულის სადაზღვევო პოლისში/ბარათში.

2.12. სადაზღვევო პერიოდი – დროის შუალედი, რომელშიც მოქმედებს დაზღვევა. მზღვეველის მიერ ანაზღაურდება ამ პერიოდში მომხდარი სადაზღვევო შემთხვევები მხოლოდ სადაზღვევო პერიოდის ამოწურვამდე;

2.13. სადაზღვევო პრემია – დამზღვევის მიერ გადასახდელი სადაზღვევო პოლისის წლიური ღირებულება;

2.14. სადაზღვევო ანაზღაურება – სადაზღვევო შემთხვევის დადგომისას მზღვეველის მიერ წინამდებარე ხელშეკრულების პირობების შესაბამისად მოსარგებლისთვის გადასახდელი თანხა;

2.15. გეოგრაფიული ლიმიტი – დაზღვევის მოქმედების გეოგრაფიული არეალი; წინამდებარე დაზღვევა მოქმედებს საქართველოს ფარგლებში;

- 2.16. სამედიცინო კონტრაქტორი – ფიზიკური ან იურიდიული პირი, რომელიც მზღვეველთან გაფორმებული ხელშეკრულების საფუძველზე სადაზღვევო შემთხვევის დადგომისას ვალდებულია დაზღვეულს აღმოუჩინოს შესაბამისი სამედიცინო დახმარება სადაზღვევო ხელშეკრულებითა და პოლისით განსაზღვრული მომსახურების ფარგლებში;
- 2.17. მოცდის პერიოდი (არ ვრცელდება თანამშრომელზე) - პერიოდი, რომლის განმავლობაშიც დაზღვეულს მზღვეველის მიერ არ აუნაზღაურდება სამედიცინო მომსახურების ხარჯები;
- 2.18. დაფარვა – სადაზღვევო ბარათში მითითებული პროცენტული წილი, რომლის ფარგლებშიც მზღვეველი კისრულობს ვალდებულებას აუნაზღაუროს დაზღვეულს სამედიცინო მომსახურების ხარჯები;
- 2.19. თანაგადახდა – დაზღვეულის მიერ გადასახდელი სამედიცინო მომსახურებისათვის მთლიანი ღირებულების ნაწილი;
- 2.20. ლიმიტი – სადაზღვევო პოლისში მითითებული ანაზღაურების მაქსიმალური ლიმიტი კონკრეტული მომსახურებისთვის, რომლის ფარგლებშიც მზღვეველი კისრულობს ვალდებულებას აუნაზღაუროს დაზღვეულს სამედიცინო მომსახურების ხარჯები;
- 2.21. სადაზღვევო თანხა – ანაზღაურების მაქსიმალური ლიმიტი, რომლის ფარგლებშიც მზღვეველი კისრულობს ვალდებულებას აუნაზღაუროს დაზღვეულს სამედიცინო მომსახურების ხარჯები;
- 2.22. პალატა:
- 2.22.1. სტანდარტული პალატა - პალატა, რომლის მატერიალურ-ტექნიკური აღჭურვა სრულად უზრუნველყოფს სამედიცინო სერვისის სრული მოცულობით მიწოდებას.
- 2.22.2. არასტანდარტული პალატა - ინდივიდუალური კომფორტის მიზნით გაუჯობესებული პალატა.
- 2.22.3. რეანიმაციული პალატა - პალატა, რომლის მატერიალურ-ტექნიკური აღჭურვა სრულად უზრუნველყოფს რეანიმაციული ღონიძიებების სრული მოცულობით მიწოდებას.

3. ხელშეკრულების საგანი

- 3.1. შპს „შავი ზღვის ფლორისა და ფაუნის შემსწავლელი სამეცნიერო კვლევითი ცენტრი“-ს თანამშრომლების (ასაკის შეუზღუდავად) სადაზღვევო მომსახურების შესყიდვა;
- 3.2. ხელშეკრულებით გათვალისწინებული შესყიდვის ობიექტის აღწერა მოცემულია სატენდერო დოკუმენტაციაში.
- 3.3. წინამდებარე ხელშეკრულება ითვალისწინებს მზღვეველის ვალდებულებას გაუწიოს დაზღვეულს მისი ქონებრივი და ფინანსური ინტერესის დასაცავად, დამზღვევის მიერ სადაზღვევო პრემიის სრულად ან პრემიის პირველი შენატანის გადახდისა და ხელშეკრულებაში შეთანხმებული გადახდის გრაფიკის დაცვის სანაცვლოდ ტექნიკურ დავალებასა და მზღვეველის მიერ გაცემულ სადაზღვევო პოლისში/ბარათში მითითებული სადაზღვევო მომსახურება, წინამდებარე ხელშეკრულებით გათვალისწინებული პირობებითა და წესით.
- 3.4. წინამდებარე ხელშეკრულების დანართები, ცვლილებები, წარმოადგენს წინამდებარე ხელშეკრულების განუყოფელ ნაწილს.

4. ხელშეკრულების ღირებულება

- 4.1. ხელშეკრულების ჯამური ღირებულება შეადგენს ----- ლარს.
- 4.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს.

5. მომსახურების გაწევის პირობები

- 5.1 მომსახურების გაწევა ხორციელდება მიმწოდებლის სატენდერო წინადადებაში მოცემული პირობების შესაბამისად
- 5.2 სადაზღვევო ხელშეკრულებით გათვალისწინებული მომსახურებები ასახულია სატენდერო დოკუმენტაციაში, მიმწოდებლის სატენდერო წინადადებაში და მზღვეველის მიერ გაცემულ სადაზღვევო პოლისში/ბარათში;
- 5.3 დაზღვევით მომსახურების (სადაზღვევო) პოლისები უნდა გავრცელდეს შპს „შავი ზღვის ფლორისა და ფაუნის შემსწავლელი სამეცნიერო კვლევითი ცენტრი“-ს თანამშრომლებზე. მათი ოჯახის წევრებზე იმ შემთხვევაში, თუ ასეთი დაფარვა გათვალისწინებული და შესყიდულია. შპს „შავი ზღვის ფლორისა და ფაუნის შემსწავლელი სამეცნიერო კვლევითი ცენტრი“-ს თანამშრომლებისა და მათი ოჯახის წევრების სიის გადაცემას მიმწოდებლისათვის უზრუნველყოფს შემსყიდველი.
- 5.4 სადაზღვევო ხელშეკრულების გაფორმებისას დაზღვეულ პირთა სრული სიის გადაცემას უზრუნველყოფს შემსყიდველი სადაც მოცემული იქნება შემდეგი ინფორმაცია:
- 5.4.1. დაზღვეულ პირთა სახელი, გვარი;
- 5.4.2. პირადი ნომერი;

5.4.3. დაბადების თარიღი;

5.4.4. სამუშაო ადგილი და თანამდებობა;

5.4.5. სამსახურში აყვანის თარიღი და სამსახურში აყვანის ბრძანების ნომერი;

5.4.6. სადაზღვევო პოლისი და მისი ტიპი;

5.4.7. ოჯახის წევრის შემთხვევაში - სახელი, გვარი, დაბადების თარიღი, პირადი ნომერი, მისამართი, ტელეფონი, სტატუსი დაზღვეულ თანამშრომელთან მიმართებაში.

5.5 წინამდებარე ხელშეკრულება ძალაში შევა ორმხრივი ხელმოწერისთანავე შემსყიდველის მიერ გადაცემული დასაზღვევი პირების მონაცემების (სახელი, გვარი დაბადების თარიღი, წელი, პირადობის მოწმობის ნომერი (ასეთის არსებობის შემთხვევაში) გადაცემის შემდეგი დღიდან.

5.6 წინამდებარე ხელშეკრულების შესაბამისად მიმწოდებელი უზრუნველყოფს შპს „შავი ზღვის ფლორისა და ფაუნის“ შემსწავლელი სამეცნიერო კვლევითი ცენტრი“-ს თანამშრომელთა და მათი ოჯახის წევრების დაზღვევას წინამდებარე ხელშეკრულების მეხუთე მუხლის 5.4. პუნქტით განსაზღვრული გადასაცემი სიის შემდეგ, რომლებზეც მომსახურების პერიოდის განმავლობაში გავრცელდება დაზღვევის პირობები არჩეული შესაბამისი პოლისის შესაბამისად.

5.7 შემსყიდველი ვალდებულია წერილობითი ფორმით (ელექტრონული ფოსტის მეშვეობით) აცნობოს მიმწოდებელს შპს „შავი ზღვის ფლორისა და ფაუნის“ შემსწავლელი სამეცნიერო კვლევითი ცენტრი“-ს თანამშრომელის მიღების და/ან გათავისუფლების შესახებ.

5.8 საოჯახო პაკეტის, ასევე თანამშრომლის მიერ მისთვის სასურველი, არჩეული სადაზღვევო პოლისის განსხვავების ხარჯებს ანაზღაურებს შპს „შავი ზღვის ფლორისა და ფაუნის“ შემსწავლელი სამეცნიერო კვლევითი ცენტრი“-ს თანამშრომელი საკუთარი სახელფასო ანგარიშიდან.

5.9 იმ შემთხვევაში თუ ხელშეკრულებაში მითითებული პირობა წინააღმდეგობაში ან/და არ შეესაბამება სატენდერო პირობას, მხარეები აღიარებენ, რომ უპირატესობა ენიჭება ტენდერით გათვალისწინებულ პირობას

6. ხელშეკრულების შესრულების კონტროლი

6.1 შემსყიდველი უფლებამოსილია მომსახურების გაწევის პარარელურად მოახდინოს მომსახურების ხარისხის შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

6.2 მიმწოდებლის მიერ ხელშეკრულებით ნაკისრი ვალდებულების შესრულების კონტროლს შემსყიდველის მხრიდან განახორციელებს -----.

7. გარანტია

მიმწოდებელი იძლევა გარანტიას, რომ მომსახურება გაწეული იქნება დროულად, ხარისხიანად და დააკმაყოფილებს შემსყიდველის მოთხოვნებს.

8. შესყიდვის ობიექტის მიღება-ჩაბარების წესი

8.1 მიმწოდებელმა წინამდებარე ხელშეკრულებით გათვალისწინებული მომსახურება უნდა განახორციელოს 2020 წლის 1 იანვრიდან - 2020 წლის 31 დეკემბრის ჩათვლით.

8.2 შესყიდვის ობიექტის მიღება-ჩაბარება განხორციელდება ეტაპობრივად (ყოველთვიურად), შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით ან/და სხვა საგადასახადო დოკუმენტით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირს წარმოადგენს წინამდებარე ხელშეკრულების სპეციფიკური პირობების 6.2 მუხლში მითითებული პირ(ებ)ი).

8.3 შესყიდვის ობიექტი ჩაითვლება მიღებულად მხოლოდ მიღება-ჩაბარების აქტის ან/და სხვა საგადასახადო დოკუმენტის გაფორმების შემდეგ.

9. ანგარიშსწორება, სადაზღვევო პრემია, მისი გადახდის წესი და პირობები

9.1 ანგარიშსწორება მოხდება ლარებში

9.2 გადახდის ფორმა - უნაღდო

9.3 ანგარიშსწორება მთლიანად ხორციელდება შემსყიდველის მიერ შემდგომი გადახდის პირობით (წინასწარი (საავანსო) გადახდა ელექტრონულ ტენდერში არ გამოიყენება),

9.4 ანგარიშსწორება განხორციელდება ფაქტიურად გაწეული მომსახურების მიხედვით;

9.5 ანგარიშსწორება შპს „შავი ზღვის ფლორისა და ფაუნის“ შემსწავლელი სამეცნიერო კვლევითი ცენტრი“-ს მიერ ხორციელდება შემდეგნაირად: ერთ დაზღვეულ შპს „შავი ზღვის ფლორისა და ფაუნის“ შემსწავლელი სამეცნიერო

კვლევითი ცენტრი“-ს თანამშრომელზე თვეში არუმეტეს -----ლარის* ოდენობით (*ელექტრონული ვაჭრობის საგანი) ნებისმიერი სადაზღვევო პოლისის არჩევის შემთხვევაში.

9.6 ჯამური სადაზღვევო პრემია დაანგარიშდება წარმოდგენილი პირობებისა და დაზღვეულთა რაოდენობის შესაბამისად, ამასთან პრემიის სრულად გადახდის პასუხისმგებლობა ეკისრება დამზღვევს.

9.7 საწყისი ჯამური საკონტრაქტო პრემია დაანგარიშდება სადაზღვევო პერიოდისა და დასაზღვევი პირების შესაბამისად.

9.8 ანგარიშსწორება განხორციელდება ყოველთვიურად, ყოველი საანგარიშო თვის მომდევნო თვის 10 რიცხვამდე მიმწოდებლის/მზღვეველის მიერ წარმოდგენილი ინვოისისა და შემსყიდველის მიერ დადასტურებული ანგარიშფაქტურის საფუძველზე (იმ შემთხვევაში, თუ ანგარიშსწორების ბოლო დღე ემთხვევა არასამუშაო დღეს, მაშინ ანგარიშსწორება შესაძლებელია განხორციელდეს მომდევნო სამუშაო დღეს). ინვოისის ან ანგარიშფაქტურის დროულად (საანგარიშო თვის მომდევნო თვის 5 რიცხვამდე) წარმოდგენილობის შემთხვევაში, ანგარიშსწორება განხორციელდება ანგარიშფაქტურისა და ინვოისის წარმოდგენიდან 5 სამუშაო დღის ვადაში.

10. ფასები

10.1 ხელშეკრულების საერთო სავარაუდო ღირებულება შესაძლებელია შეიცვალოს იმ შემთხვევაში, თუ შპს „შავი ზღვის ფლორისა და ფაუნის შემსწავლელი სამეცნიერო კვლევითი ცენტრი“-ს თანამშრომლების რაოდენობა გაიზრდება და/ან შემცირდება, ხელშეკრულების მოქმედების განმავლობაში. იმ შემთხვევაში, თუ მოხდება ჯამური სადაზღვევო პრემიის ან დაზღვეულთა რაოდენობის 30%-ით კლება, მზღვეველი უფლებამოსილია გადახდოს ხელშეკრულების პირობებს ან საერთოდ უარი თქვას მასზე;

10.2 ხელშეკრულებაში განსაზღვრული ფასის ცვლილება დასაშვებია მხოლოდ შემდეგ შემთხვევებში:

ა) საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში (დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა).

10.3 ფასების ცვლილების შესახებ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებაზე.

11. ფორს-მაჟორი

11.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

11.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით;

11.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. მხარეთა ურთიერთობა

12.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს იგზავნება საფოსტო გზავნილის სახით;

12.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, თუ ამ თარიღიდან რომელი უფრო გვიან დგება.

12.3. სახელმწიფო შესყიდვების სააგენტოს მიერ ჯანმრთელობის დაზღვევის კონსოლიდირებული ტენდერის გამოცხადების შედეგად გამარჯვებულის გამოვლენის შემთხვევაში შემსყიდველი უფლებამოსილია შეწყვიტოს არსებული ხელშეკრულება ასეთი ფაქტის დადგომის თვის მომდევნო თვის 1 რიცხვიდან.

13. ხელშეკრულების პირობების შეუსრულებლობა

13.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

13.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულების შეწყვეტა, რაზედაც უნდა შეატყობინოს მეორე მხარეს წერილობით, რომელშიც უნდა იყოს მითითებული დამატებითი ვადები

დარღვევის აღმოსაფხვრელად, ხოლო თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება/ შეტყობინება.

13.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

13.4 მიმწოდებელი უფლებამოსილია შეაჩეროს ხელშეკრულების მოქმედება გრაფიკის დარღვევის დღიდან 14 კალენდარული დღის შემდეგ, ყოველგვარი შეტყობინების გარეშე, დამზღვევის მიერ ფინანსური ვალდებულების სრულად შესრულებამდე. სადაზღვევო ხელშეკრულება განახლება მხოლოდ დამზღვევის მიერ პრემიის გადახდის შემდეგ. ხელშეკრულების მოქმედების შეჩერება არ ათავისუფლებს დამზღვევს სადაზღვევო პრემიის გადახდის ვალდებულებისაგან.

13.5 ხელშეკრულების შეწყვეტასთან და ზიანის ანაზღაურებასთან დაკავშირებით შესაბამისად გამოიყენება საქართველოს სამოქალაქო კოდექსის შესაბამისი მუხლები.

13.6 ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, - ყოველ ვადაგადაცილებულ დღეზე ხელშეკრულების საერთო სავარაუდო ღირებულების 0.02%-ის ოდენობით.

13.7 შემსყიდველის მიერ თანხის გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ ვადაგადაცილებულ დღეზე გადაუხდელი თანხის 0,02%-ის ოდენობით.

13.8 საჯარიმო სანქციების გადახდა არ ათავისუფლებს დამრღვევ მხარეს ხელშეკრულებით ნაკისრის ვალდებულებების შესრულებისაგან.

13.9 ხელშეკრულების 13.2. პუნქტის თანახმად ხელშეკრულების შეწყვეტის შემთხვევაში მხარეებს დაეკისრებათ პირგასამტეხლო ხელშეკრულების საერთო ღირებულების 5%-ის ოდენობით.

14. ხელშეკრულების შესრულების გარანტია

14.1 მიმწოდებელი იძლევა გარანტიას, რომ მიწოდებული მომსახურების ხარისხი შეესაბამება ხელშეკრულებით განსაზღვრულ პირობებს და არსებულ სტანდარტებს.

14.2. 14.1. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ მიიღოს მომსახურება ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.

15. გადასახადები და ბაჟები

მიმწოდებელი პასუხს აგებს მომსახურების შესრულებასთან დაკავშირებული ყველა იმ გადასახადის, დაბეგვრის თანხის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში.

16. ხელშეკრულების მოქმედების ვადა

ხელშეკრულება ძალაში შედის ხელშეკრულების მხარეთა ხელმოწერის დღიდან და მოქმედებს 2021 წლის 31 იანვრის ჩათვლით.

17. დამატებითი პირობები

16.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;

16.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ;

18. მხარეთა ხელმოწერები:

“შემსყიდველი“

“მიმწოდებელი“